

道門科範大全集卷之八十二

東嶽濟度拜章醮儀

臨午行道

法事陞壇如式

各禮師存念如法

宣衛靈咒

丹靈朱火 炎霞激風 赤輪剛運 天光八衝
迸威包羅 交變萬方 流金豁落 群魔滅蹤
辟奸破妖 明耀元功 金符召制 躡雲策龍
瑤歌慶會 散花太空 神化冥運 四極安隆
伏御帝前 罔有不恭 與道合真

鳴法鼓二十四通

發鑪

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓關啓玄壇土地方域神真臣今
臨午行道謹奏為宣其諸情悃已錄告聞
願得太上十方至真道炁靈寶瑞光下降流

甲九

六

入臣身中令臣所啓速達徑御

太上無極大道

昊天金闕玉皇上帝御首

請稱法位

具位 臣某等謹虔誠上啓

虛無自然金闕七寶上帝東宮教主太乙救
苦天尊傳經演教歷代師真東嶽泰山天齊
仁聖帝淑明皇后太子貴妃殿上炳靈公西
齊靈王嶽下文武考校一切曹僚三界應感
一切具靈咸望洪慈俯垂丹懇 臣聞震震卦
而為大塗固當出萬物之首登泰山而小天
下亦常居群祀之先東方始生之方代為管
攝之地生必東首昔人知向背之宜氣起東
隔造物全溫厚之致固知嶽帝之德實符天
道之仁德本好生必欲赦除於有罪仁惟濟
衆豈不廣布於洪恩既司出入之機寔制短
長之命苟有假真而向道必蒙釋死以興生
況死者人之所甚哀懼久淪於長夜而生者
人之所大欲願長處於明時況身有善惡之
殊故事年有壽夭之異跡已絕於人世遠至

甲九

七

殞亡魂必往於岱宗未蠲罪累須與求哀而

懺悔未能補過以滌除奉道善家哀死悼亡

感今懷昔念重泉之頻隔無計攀援惟妙道

之可憑仰干超度爰企升中之地廣開解厄

之門于時陽景方中盡幽遐而徧照蓋漏停

午肅壇陞以無塵想衆聖之來臨顧凡情之

上達大頒善利速度亡魂臨午詞誠謹當宣

奏

宣詞

按如詞旨深切悲哀臣聞薤露易晞悲傷莫
及樹風不靜慘怛難言深慮亡者陽過陰愆
未悟於安存之日神誅鬼責併臨於殞沒之
時不見昭昭之人寔惟就冥冥之幽圍爰奉
九真之妙戒式遵三洞之秘文以今臨午行
道請法衆等遵茲初檢上香願此香煙騰空
徑上供養
玉清聖境元始天尊十方道寶臣等皈身皈
神皈命以是功德歸流亡人其冀洗多生之
罪獲逢降音之恩精誠潛感於帝心曲垂慈
憫祈禱遙聞於天聽俯賜哀矜知其往日之

愚迷許以茲辰之悔悟命獄辛而釋桎械付
司命而守形骸早離幽滯之途即達道遠之
境今故燒香自歸依
道尊大聖眾至真之德得道之後昇入無形
和與道合真

臣聞紫戶定錄開度長夜之門黃華蕩形鍊
成生身之質自元始之垂教皆無量以度人
以今臨午行道請法眾等運茲二檢上香願
此香煙騰空徑上供養
上清真境靈寶天尊無上經寶臣等皈身皈
神皈命以是功德歸流亡過其等伏願削除

罪簿罷對陰司惡滅惡根脫苦趣決山火
不流之獄推雷雨作解之恩身口意之怨尤
即從洗滌神祇鬼之攝制共賜涵洪得逢起
死之期俾受更生之化遵達往亡之迷路鑿
納哀懇之誠心今故燒香自歸依

經尊大聖眾至真之德得道之後昇入無形
和與道合真
臣聞執圓規而主人太皞顯司方之地不崇
朝而徧兩公羊紀觸石之功固惟喬岳之靈

務錫庶民之福以今臨午行道請法眾等運
茲三檢上香願此香煙騰空徑上供養
太清仙境降生天尊十方師寶臣等皈身皈
神皈命以是功德歸流亡過其等伏願愛河
靜浪苦海停波曩因淪誘而不知今日見聞

而頓悟嶽靈垂佑浮飛奕於幽寂空洞生神
歸混悉於梵輔系脫沉淪之厄速蒙鍊度之
恩今故燒香自歸依
師尊大聖眾至真之德得道之後昇入無形
和與道合真

具位臣某等謹重誠上啓
虛無自然金闕七寶上帝東宮教主太乙救
苦天尊傳經演教歷代師真東嶽泰山天齊
仁聖帝淑明皇后太子貴妃殿上炳靈公西
齊靈王嶽下文武考校一切曹僚三界應感
一切真靈咸望洪慈俯賜丹懇臣聞會同五
老常聽法於天尊光照九幽因起請於法解
深憫三塗之厄尤悲五苦之難考治罪魂則
有巨天力士峻嚴陰獄則有執法神兵劔樹

和與道合真
三啓
三禮

刀山絕筋折骨鑊湯鐵炭粉質糜軀鳥喙蛇
吞犁耕鋸解如斯苦惱實可嗟吁幸上聖之
大慈與說因緣之起得真人之垂憫俾知善
行之修率因三業之纏亦自六塵之染觸情
徇意不知石火之難停受報罹殃使夜靡

之久閉尚許莘心而嚮道皆得解考以備尤
廣造福田必仗琅函之經典稱揚聖號無踰
東極之天尊寔與斷疑惑之根俾獲悟希夷
之理懸官其重念哀方深於死沒罪惡積於
生存業網未除法橋難上須憑妙善與滌前

非受祇肅於齋壇式具嚴於禪禮名先萬華
常驥首以避瞻勢面雲亭寔注心而懇禱丹
輿綠輦期感忽以來臨羽蓋霓旌想歲蕤而
下降洞鑿精忱之意宏開拔度之門允同救
苦之上真隨聲應感月濟沉淪之險醜委順
成形早達南極之注生兼得北都之部衛漸
階仙路不滯迷途普使存亡均諧利樂上明
天尊大慈之澤下副臣等皈命之誠謹啓以
聞

十二願
十二願

復鑑

謹攝香官使者左右龍虎君侍香諸靈官當
令臣向來臨午行道之所自然生金液丹碧
芝英百靈眾真交會在此香火爐前當願十
方仙童玉女接侍蘭煙傳臣向來所啟之誠
速達徑御

至真無極大道

昊天玉皇上帝御前

出堂頌 出戶

道門科範大全集卷之八十二

道門科範大全集卷之八十三

東嶽濟度拜章大醮儀

晚朝行道

法事陞壇如式

各禮師存念如法

宣衛靈呪

五星高耀 瑞氣飛浮 元始集神 天地交周
玉符寶籙 嘯命微幽 擲火揚威 奸凶無留
萬魔振伏 紛葩却消 摧恠滅惡 道炁周流
神光照夜 陰翳俱收 萬神降格 扇景乘颺
羣生咸遂 惠徧神州 與道合真

鳴法鼓二十四通

發鑑

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官合三十六人出出者嚴裝顯
服冠帶垂纓開啓玄壇土地方域神真臣今
靜夜行道謹奏為宣意其諸情悃已錄告聞
願得太上十方至真道炁靈寶瑞光下降流

入臣身中今臣所啟速達徑御

太上無極大道

昊天金闕玉皇上帝御前

請稱法位

具位臣某等謹虔誠上啓

虛無自然金闕七寶上帝東宮教主太乙敝
若天尊傳經演教歷代師真東嶽泰山天齋
仁聖帝淑明皇后太子貴妃殿上炳靈公西
齋靈王嶽下文武考校一切曹僚三界應感
一切真靈威望洪慈俯昭丹懇臣聞封取金
泥告代尚存於王者文傳玉冊定壽寔統於
人倫上連空洞之天既稱仙境下制死生之
命籍備陰官願惟近逝之亡魂必有未消之
黑簿罪雖未取當議罪於輕重淺深志苟深
懲必許容於悲哀懺悔咸與維新之路俾知
更始之期矧度生度命之天尊皆本東居而
闡化在唱恭唱諾之司馬亦因東向以誦章
審知嶽帝之仁不拒凡夫之請醮官某等悼
隙駒之易逝便隔幽明懼氣馬之不良當趁
險路生前造罪曾違先覺之心改後惟殃遂